

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Aningaasaqarnermut tunngasut

- Imm. 04** Maniitsumi meeqqeriviliassamut immikkut aningaasaliissuteqarnissaq.
- Imm. 05** Ulliap innaallagissallu akiisa qaffannerat.

Suliassat nalinginnaasut

- Imm. 06** Sisimiut Umiarsualiviata allilernerani inuiaqatigiit aningaasaqarnerisigut misissuineq.
- Imm. 07** Kommunimi pilersaarummut tapiliussassaq nr. 41 pillugu nalunaarusiaq.
- Imm. 08** Kommunimi pilersaarummut tapiliussassaq nr. 46 inaarutaasumik akuersissutigineqarnissaa.
- Imm. 09** Containerinut inissiivinnut maleruagqusanik allanngueq.
- Imm. 10** 2012-imi kommunit pillugit nassuiaat pillugu tusarniaaneq.
- Imm. 11** Aalajangiiffisassatut siunnersuut UPA2012/89 – imigassanik kimittuunik kimikitsunillu nioqquteqarnermi piffissaliussat tuniniaaffiusartut sivitsorneqar-nissaat pillugu - tusarniaaneq.
- Imm. 12** Oqaluuserisassatut siunnersuut – Meeqqerivik Aja atorunnaarpat illu sumut atussanersoq.
- Imm. 13** Oqaluuserisassatut siunnersuut – Timelærerit soraartussat.
- Imm. 14** Ilaqutariinnermut immikkoortortamit paasissutissat aamma Aningaaserivinnut paasiniaanermi inatsisitigut maleruagassat pillugit apeqquteqaat.

Paasissutissiissutit

- Imm. 15** Maniitsup Kommunianut kommunip pilersaarusiorneqarnerani tapiliussaq nr. 7 pillugu paasissutissiissut.
- Imm. 16** NIIP - nunap immikkoortuisa ineriartortinnissaannut periusissanut atatillugu 2012-imi pilersaarutit pillugit paasissutissiissut.
- Imm. 17** Tamalaat.



Ataatsimiinneq videokonferenci atorlugu ingerlanneqassaaq aallartissallunilu nal. 8:30

Peqataasut:

Atassut

Inuit Ataqtigiit

Siumut

Nalunaaruteqarlutik peqataannngitsut:

Nalunaaruteqaratik peqataannngitsut



Imm. 01 Oqaluuserisassat akuersissutigineri

Aalajangiineq

Imm. 02 Borgmesterip nalunaarutaa

Aalajangiineq

Imm. 03 Ataatsimiititaliani siulittaasut nalunaarutaat

Aalajangiineq



Imm. 04 Maniitsumi meeqqeriviliassamut immikkut aningaasaliissuteqarnissaq

Journalnr. 17.05.02/daginstitution Maniitsoq

Tunuliaqutaq

Qeqqata Kommunia 30.05.2011-mi Maniitsumi meeqqeriviliornissamik Permagreen-imik isumaqatigiissuteqarpoq. Pilersaarussiaq isumaqatigiissuteqarnikkut Kitaa Arkitektit suliarinikuuat, sanaartornerullu ilaani nakkutilliineq juulip 1-ani 2011-mi Masanti-kkunnik isumaqatigiissuteqarnikkut nakkutigineqarnikuulluni.

Maleruagassatigut tunngavissaq

Immikkut aningaasaliissutissat Kommunalbestyrelsimut akueritinneqartussaapput. Meeqqeriviliorneq sanaartornikkut 100 procentimik kommunip aningaasartuutigivaa.

Pissutsit atuuttut

Aningaasaliissutit aningaasartuutillu pingaarnersiukkat

| Taaguutaa | Oqaaseqaat | Akia |
|--|---|-----------------------|
| <i>Kitaa – isumaqatigiissut</i> | <i>27.09.2010-mi isumaqatigiissutaavoq</i> | <i>1.215.000 kr.</i> |
| <i>Kitaa – akilerallakkat</i> | <i>Massakkumut akilerneqarput 76.744 kr.</i> | <i>90.000 kr.</i> |
| <i>Permagreen – isumaqatigiissut</i> | <i>01.06.2011-mi isumaqatigiissutaavoq</i> | <i>19.093.178 kr.</i> |
| | Isumaqatigiissutikkut pisussaaffiit | 20.398.178 kr. |
| <i>Permagreen – immikkut tapiliussaq</i> | <i>Ukiuunerani iliuutsit 420.000 koruunit missaat - 2,1 % Betonggileeqqinnerneq sioqqeeqqinnerlu 300.000 koruunit missaat -1,5 %, Pilersaarusiornernerup allannguutai 160.000 koruunit missaat – 0,8 %. Takkuttut nutaat katillugit - 4,3 %</i> | <i>900.000 kr.</i> |
| <i>Masanti – nakkutilliineq</i> | <i>01.07.2011-mi isumaqatigiissutaapput 384.300 koruunit – tassalu 1,0 %</i> | <i>213.917 kr.</i> |
| <i>Aningaasartuutit</i> | <i>Sanaartornermi innaallagialaq imerlu il.il., Blower-door-test. Massakkumut ilisimaneqartut 39.493 koruunit, sinneri naliligaallutik. Aningaasartuutit – tassa 0,9%</i> | <i>180.000 kr.</i> |
| <i>Sanaartortitsisumiit pisiat</i> | <i>Massakkumut aningaasartuutit nalunngisat missiliuutillu 462.000 kr.</i> | <i>525.000 kr.</i> |
| <i>Katillugit – ilivitsunnorlugit</i> | | <i>22.200.000 kr.</i> |
| <i>Akuersissutit</i> | | <i>20.800.000 kr.</i> |
| <i>Suli akuersissutaanngitsut</i> | | <i>1.400.000 kr.</i> |

Isumaqatigiissutit pisussaaffiit saniatigut immikkut aningaasartuutit 8,8 procentiusutut siunnersortimit entreprenørímíllu naliligaapput.

Missiliuutikkut A-kkut nalinginnaasumik 10 procentit sinnílaarlugit ikkunneqartarput – ilisimaneqanngitsunut 5 procentit sinnerílu sanaartortitsisup allanut aningaasartuutissaatut agguataarlugit.



Suliami matumani taamaallaat 2 procentit aningaasartuutaasinnaasunut ilisimaneqanngitsunut ikkutaapput.

Teknikkimut immikkoortortami inuttassaaleqineq patsisaalluni, aallarnisarnermi Masanti-kkut nakkutilliisineqartariaqarsimapput. Isumaqaatigiissummi pisussaaffinnut sanilliullugu 1,0 procenti. Massakut ilisimaneqanngitsut 4,3 procentinut naliligaallutik, ukiuunerani iliuutsit betongileeqqinneq taamatullu sioqqeeqqinneq annertunersaallutik.

Sanaartortitsisup nammineq ullumikkumut kiassarneq, innaallagissamik atuineq taamatullu allaffisornermut tunngasut aningaasartuutigisaraluarpai. Ukiullu kingulliup ingerlanerani aamma sanaartortitsisumut blower-door-test-it aningaasartuutissanngorsimallutik, taamaaliortoqassatillugu. Katillugit 0,9 procenti.

Sanaartortitsisumiit pisiat tassaallutik uffarfimmi atortussat, erruiffik maskiina, errorsivik, panersaassutit marluk, meeqqanut nangilersuiffiit, saagut pinnguartarfiullu ungalussai. Tamakku 2,6 procentinik naleqarlutik. Tamakku aningaasartuutit meeqperivissinermi aningaasartuutit akilerneqarsimasinnaagaluarput; taamaattorli sanaartortitsinikkut akilerneqarlutik.

Meeqperiviniit aamalu pisinermi kontoniit, pinngussanik sikaavinnillu ilitsivissanik pisisoqarnikuuvoq.

Piusumit Aja-miit atortussat pisattallu atorneqarsinnaasut tamarmik nuunneqassapput.

AJA-p nalilerpaa, 200.000 koruunit nassiunneri ilanngullugit misaannik nalilinnik pequtinik piseqqinnissaq pisariaqassasoq. Pequtissat taakku meeqperivimmu iluarnerusussatut naliligaallutik, ingerlatsinikkullu kontomiit akiligaallutik.

Silami pinnguartarfissap ikkusuunnissaa kommunip silami sulisuinit isumagineqarsinnaasussatut nalilerneqarpoq.

Aqqusinissaata naammassinissaa asfalternissaalu ukiut ingerlanerini kommunip sulisuinit isumagineqassapput.

Aningaasaqarnikkut allaffissornikkullu kingunerisinnaasai

Sanaartornissamut missiliutini Illorput-nik marlunnik Atammimmi taamatullu Kangaamiuni 2012-imi sanasoqartussaavoq, tassa Namminersorlutik Oqartussat illuliornissami atortussat tunniutissappatigit. Tamatumani akuersaarnermik massakkumut sulit takkuttoqarnikuunngilaq. Namminersorlutik Oqartussat illuliornissami atortussat tunniutissanngikkaluarpatigit missingersuutitulluunniit sisiamanik ikinnerutissappatigit, tassangaaniit meeqperiviliornermut aningaasanik nuutsisoqarsinnaassaaq. Taamaangippat immikkut aningaasaliissuteqarnissaq pisariaqassalluni.

Qullersaqarfiup oqaaseqaataa

Immikkut oqaaseqaatitassaqqanngilaq.

Allaffeqarfiup naliliinera

Sanaartorneq matuma siuliini missiliutinit akikinnerutillugu sananeqarsinnaanngilaq. Taamaalluni immikkut aningaasaliissuteqarnissaq imaluunniit 1.400.000 koruuninik nuutsinissaq pisariaqarluni.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap juunip 12-ani 2012-imi ataatsimiinnermini suliaq suliarissavaa.

Aningaasaqarnermut ataatsimiititaliami suliap asuliarinera

Aningaasaqarnermut ataatsimiititaliap juunip 7-ani 2012-imi ataatsimiinnermini innersuussut akuer-sissutigivaa.

Innersuussut

Teknikkimut Avatangiisinullu ataatsimiititaliamit akuerineqassappat, aningaasaqarnermut ataatsi-miititaliamut kommunalbestyrelsimullu innersuusuteqartoqassaaq

1. Namminersorlutik Oqartussat Illorput-mut sisamanut atortussat tunniutissappatigit, taava meeqqeriviliornermut immikkut 1.400.000 koruuninik aningaasaliissuteqartoqassasoq.
2. Namminersorlutik Oqartussat illuliornissamut atortussat tunniutissanngippatigit, taava Illor-put-liornissaraluamut aningaasaliissutiniit meeqqeriviliornermut 1.400.000 koruuninik nuutsisoqassasoq.

Aalajangiineq

Ilanngussaq

Ilanngussaqanngilaq.



Imm. 05 Ulliap innaallagissallu akiisa qaffannerat

Journalnr.

Tunuliaqutaq

Uuliap akia Kalaallit Nunaanni 37,5 procentinik qaffariarpoq, Maniitsumilu januaarip 1-ani 2011-mi innallagissap akia 16,8 procentinik aamma qaffariarluni.

Taamaalilluni januaarip 1-ani 2011-mi uuliap akia literimut 4,47 koruuniniit literimut juulip 8-ni 2011-mut 5,57 koruunit sinnerlugit maajillu 1-ani 2012-imut literimut 6,15 koruuninut qaffariarluni.

Maniitsumi innaallagissap akia januaarip 1-ani 2011-mi kWh-mut 2,85 koruuniniit septembarip 1-ani 2011-mi kWh-mut 3,17 koruunit sinnerlugit januarillu 1-ani 2012-imut 3,33 koruuninut qaffariarpoq.

Maleruagassatigut tungavissaq

Kommunalbestyrelsi aningaasaliissutitigut susassaqartuuvoq.

Pissutsit atuuttut

Qeqqata Kommuniata uuliamut innallagissamullu missingersuutai 2010-miit 2011-mut 2 procentinik kiisalu 2011-miit 2012-imut 1 procentinik siumut qaffataapput.

Uuliamut kommunip aningaasartuutai kontot allattorsimaffiat akuerisaasoq naapertorlugu kontomut pingaarnermut xx-xx-xx-21-40 ikisaapput, kiassarnermullu aningaasartuutissat kontomut pingaarnermut xx-xx-xx-21-20 ikisaallutik.

Aningaasaqarnikkut allaffissornikkullu kingunerisinnaasai

Kommunimi tamarmi suliffeqarfinni uuliamut aningaasartuutissat 2012-imi missingersuutitigut 3.574.000 koruuninik aningaasaliiffiupput, Maniitsullu illoqarfiani innaallagissamut aningaasartuutissat 2012-imi missingersuutitigut 2.495.000 koruuninik aningaasaliiffiullutik.

Kommunimi tamarmi uuliamut Maniitsumilu innaallagissamut aningaasartuutissat siumoortumik qaffannissaatigut immikkut katillugit 1.759.000 koruuninik aningaasaliissuteqarfiusariaqassapput, tassa kommuni tamakkerlugu uuliamut 1.340.000 koruunit kiisalu Maniitsumi innaallagissamut 419.000 koruunit.

Allaffeqarfiup naliliinera

Allaffeqarfik naliliivoq, immikkut 1,759 mio. koruuninik aningaasaliissuteqarnissaq pisariaqartoq, taakkulu 2012-imi missingersuutitigut ukiunullu missiliuteqarfiusunut iluarsiiiffiusariaqarlutik.

Aningaasaqarnermut ataatsimiititaliami suliap asuliarinera

Aningaasaqarnermut ataatsimiititaliap juunip 7-ani 2012-imi ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiitaliamut kommunalbestyrelsimullu akuereqqullugu innersuussutigineqassaaq,

Kommuni tamakkerlugu 1.340.000 koruuninik uuliamut aningaasartuutissatut immikkut aningaasaliissuteqartoqassasoq, kiisalu 419.000 koruuninik Maniitsumi innaallagissamut aningaasartuutissanut 2012-imi missingersuutitigut ukiunullu missiliuuteqarfiusunut

Aalajangiineq

Ilanngussat

1. 2012-imut missingersuutini kommuni tamakkerlugu aningaasartuutissat – konto pingaarneq 21-40.
2. Maniitsumi innallagissamut 2012-imut missingersuutit – Maniitsumi konto pingaarneq 21-20.



Imm. 06 Sisimiut Umiarsualiviata allilernerani inuiaqatigiit aningaasaqarnerisigut misissuineq

Journalnr. 24.01

Tunuliaqutaq

Ineqarnermut, Attaveqarnermut Angallanermullu Naalakkersuisoq Jens B. Frederiksen aamma Qeqqata Kommuniani borgmesteri Hermann Berthelsen maajimi 2011-mi Sisimiuni umiarsualiviup allilernissaata imminut akilersinaassusissaanik misissuisussanik suligasuartussamik suleqatigiissitaliorput.

Suleqatigiissitat Angallaneq pillugu Isumalioqatigiissitap siulittaasuanik Christen Sørensen siulittaasoqarlutik, aammalu Ineqarnermut Attaveqarnermut Angallanermullu Naalakkersuisoqarfimmiit, Royal Arctic Line-miit, Royal Greenland-imiit, Sisimiuni Sulisitsisut peqatigiiffianniit, Qeqqata Inuitissarsiornikkut Siunnersuisoqatigiiviniit kiisalu Qeqqata Kommunianiit inuttalersugaallutik.

Suleqatigiissitat 13-eriarlutik ataatsimeereerlutik ukiullu ataatsip missaani suliaqareerlutik suliarfik naammassivaat, taannalu nalunaarusiatut saqqumiullugu ilanngussartai ilanngullugit.

Maleruagassatigut tunngavissaq

Suleqatigiissitanut suliaqarnerisigut.

Pissutsit atuuttut

Suleqatigiissitat suliaqarnerisigut suliaqarnerisigut naapertorlugu umiarsualivimmik allilernerinermi siunnersuutit aallaavigisimavaat, taakkulu Rambøll-ikkut “Sisimiut Umiarsualiviata – takorluukkat” pillugit nalunaarusiaanniipput, taannalu Rambøll-ikkut Qeqqata Kommunianut 2010-mi suliarisimavaat.

Nalunaarusiaq immikkoortunik pingasunik imaqarpoq:

1. Aalisakkeriviup talittarfianik allilernerinissaq.
2. Aalisakkeriviup talittarfianiit umiarsualivimmik ikaartarfiliinissaq.
3. Umiarsualivimmik allilernerinissaq.

Suleqatigiissitat misissoqqissaarlugulu naatsorsorsimavaat, immikkoortoq 1-p, tassalu aalisakkeriviup talittarfianik allilernerinissaq inuiaqatigiit aningaasaqarnerannut iluaqutaasussaasoq. Tamatumani takornariaqarnikkut sunniutissartaasa iluaqutissartai qulakkerinnissutaasussaallutik. Peqatigitillugulu nalunaarusiap takussutissippaa, takornarissanik umiarsuit angallassisutit aamma Ilulissanik pitsaanerusumik atugassaqartitaagaluarpata, taava Sisimiuni aalisakkeriviup talittarfianik allilernerineq sulit inuiaqatigiit aningaasaqarnerisigut iluaqutaanerussagaluarpoq.

Aningaasaqarnikkut allaffissornikkullu kingunerisinnaasai

Suleqatigiissitat nalunaarusiaat imminermi aningaasaqarnikkut allaffissornikkullu sunniutitassaqanngilaq. Misissueqqissaarnerup inuiaqatigiit aningaasaqarnerisigut iluaqutissartaqarnera, massakumut Sisimiut Umiarsualiviannik allilernerinermut ingerlanneqalereersumut atatillugu, Kalaallit Nunaanni ataatsimoortumik aqqiissuteqarnissamik pisortaasunut eqqarsariartitsariaqaraluarpoq.



Taamaalilluni Namminersorlutik Oqartussat Kommunilu ataatsimoortumik aaqqiissuteqartariaqaraluarlutik, tassa Sisimiut Umiarsualiviat tamakkerlugu aalisakkeriviullu talittarfianik pisariaqartutigullu iluarsartuussinissami ingerlatsinikkullu piginneqatigiinnissamut atatillugu, nutaartassaatalu aalisakkeriviup talittarfianut tamakkiisumik ataatsimoortilernissaat eqqarsaatigalugit.

Allaffeqarfiup naliliinera

Allaffeqarfik naliliivoq, Qeqqata Kommunalbestyrelsiata pisariaqartutigut Sisimiut Umiarsualivianik allilerinissaq pillugu aalajangiinera inuiaqatigiit aningaasaqarnerannut iluaqutaasussaasoq nalunaarusiakktut ersarissisoq.

Allaffeqarfik naliliivoq, Sisimiut Umiarsualiviata allilernissaata takornariaqarnikkut imminullu akilersinnaassusiatigut pingaaruteqarnera, tassa Ilulissat Umiarsualiviani pingaartumillu Kangerlussuup Umiarsualiviani pissutsigut iluaqtissartaqarmat. Suleqatigiissitat suliaatigut ersarissilluarpoq, umiarsuarlutik takornariaqarnerup inuiaqatigiit aningaasaqarerisigut ilorraap tungaanut sunniteqartussaanaera massakkumut nalilersuisarnertigut annikinaagaasarsimasoq. Taamaattumik takornrissanik angallassisutit umiarsualivissiffigisartagaanni pingaarnerni atugassarititaasut pitsanngorsaaffigisariaqarput. Umiarsualiviit taliffiusinnaasut pitsaasut amerlippata, umiarsuit takornarissanik angallassisut amerlissapput, taamalu inuiaqatigiit isertitaqarnerulissallutik, umiarsuimmi Kalaallit Nunaanni angalaartillutik illoqarfippaaluit nunaqarfippaalullu taliffigisinnasarmatigut.

Peqatigitilluguli ajuusaarnarluni, Angallanneq pillugu Isumalioqatigiissitap aalisarnermut kiisalu uuliamik gassimik aatsitassanillu misissuinerit nalunaarusiaminni misissuiffigisimannngimmatigut, pingaartumillu umiarsuarluni takornariaqarnerup kingunerisinnaasai itisilersimanagit. Qularutissaanngitsumik saqqummiussami inerniliinermi mittarfeqarfiinaanngitsut Nuummilu umiarsualivii-naanngitsoq pingaartinneqarsimagalurunik, pingaartinniakkat allaanerusimassagaluartut. Illuatungaatigulli pitsaasuvoq, angallanermut tunngasutigut pingaarutilinnik aalajangiisoqannginnerani tamanna saqqummermat.

Aningaasaqarnermut ataatsimiititaliami suliap asuliarinera

Aningaasaqarnermut ataatsimiititaliap juunip 7-ani 2012-imi ataatsimiinnermini innersuussut akuersissutigivaa.

Innersuussut

Aatsitassanut Attaveqaqatigiinnermullu ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugit innersuussutigineqassapput,

inuiaqatigiit aningaasaqarnerat pillugu msisissueqqissaarneq tusaatissatut tiguneqassasoq

kommunip sapinngisamik Angallanneq pillugu Isumalioqatigiissitap nalunaarusiaanik nassiussiffiusimasunut misissueqqissaarneq manna nassiutissagaa

Kalaallit Nunaanni Namminersorlutik Oqartussanik Sisimiut Umiarsualiviat ataatsimut isigalugu piginnittuunissaq ingerlatsinissarlu pillugit isumaqatigiinniarnissat aallartinneqassasut

Aalajangiineq

Ilanngussaq

1. Sisimiut Umiarsualiviat – siunissami ineriartortitsinikkut periarfissatigut inuiaqatigiinni aningaasaqarnikkut misissueqqissaarneq



Imm. 07 Kommunimi pilersaarummut tapiliussassaq nr. 41 pillugu nalunaarussiaq

Journalnr. 16.03

Tunuliaqutaq

Sisimiut Kommuneani pilersaarummut tapiliussassatut 2011-mi tamanut tusarniutaanikumut kommunimi pilersaarummut nr. 41-mut tapiliussassaq. Tusarniaanerup nalaani Mittarfeqarfii GLV-miit oqaaseqaat Qeqqata Kommuniata tiguaa, tamatumani sanaartugassat ilarpaaluisa aqquserngullu pingaarnerusussap mittarfiup isuanii 3,5 kilometerit atitussusilimmiit sanimut 55,5 meterip ilua sanaartorfiusussaannngitsusussaammat. Akerliliineq taanna Qeqqata Kommunianut isumaqarpoq, kommunimi pilersaarummut tapiliussassaq Mittarfeqarfinit Trafikstyrelse-millu isumaqateqartoqartinnagu inaarutaasumik akuerineqarsinnaassanngitsoq, mittarfeqarfii pillugit nalinginnaasumik toqqammavissatut piumasaqaatit avaqqunnissaannik immikkut akuerineqanngikkaanni.

Maleruagassatigut tungavissaq

Sanaartorfissagissaaneq, pisortat kuuffeqarfinit aqqusersuutaat aamma pisortat aqqusiniutaat pillugit Inatsisartut inatsisaat nr.17, 17. november 2010-imeersoq. Silaannakkut angallannermi aalajangersakkat BL 3-2A.

Pissutsit atuuttut

Kommunimi pilersaarummut tapiliussassaq nr. 41:

Kommunimi pilersaarummut tapiliussassaq nr. 41 siusinnerusukkat sanaartornikkut ineriartortitsinissamik kommunimi pilersaarutitigut aalajangersakkat akuersissutaasimasutuulli Akiani nutaanik sanaartorfissatigut periarfissaqarnissaa aalajangersaasoqarnissaa anguniarlugu suliaavoq. Taamaallilluni 2004-mili Akiani ineriartortitsinissamik pilersaarussiaq kommunimi pilersaarummut nr. 19-imut tapiliussatut akuerisaavoq.

Matumani 2004-mili piffiup nunamiit 15 meterit tikillugit portussusilinnik ineriartortinnissaa akuersissutaanikuuvoq, kommunimi pilersaarummut tapiliussaq 41-mi pineqartut ilanngullugit. Pilersaarussiaq taamanikkut Namminersornerullutik Oqartussat Pisortaqarfiannut nassiuqqarnikuuvoq, oqaaseqaateqarfigineqaranili.

Kalaallit Nunaanni silaannakkut angallassinermi oqartussat kommunimi pilersaarummut tapiliussassaq nr. 41-mut akerliliissutaannut patsisigineqarpoq, Sisimiut mittarfeqarfianni sillimaniarnikkut pissutsinik annertunerusumik akornutissaqalersitseqqinnginnissaq, tassa mittarfeqarfiup akuersissutaaneratigut piumasaqaataasimasunit allanngortitsisinnaasussamik.

Allaffeqarfimmit kommunimi pilersaarut nr. 41 ilaasunik sanaartornissamik pilersaarutaasutut immikkut akuersissutissamik qinnuteqartoqarnikuuvoq, Mittarfeqarfinniilli Trafikstyrelse-miillu itigartitsisoqarsimalluni.

Tamatuma kingorna kommunimi pilersaarummut apiliussassaq nr. 41 naapertorlugu sanaartornissaq sammineqarsimavoq, tassa paaserusullugu sanaartornissaq ilumut mittarfeqarfimmut angallannermi sillimaniarnikkut akornusersuutaassanersoq. Tamanna ersarissumik paasinarsisinniarlugu, allaffeqarfiup siunnersortit Integra suliaqartissimavaa, taakkumi mittarfeqarfiliortiternertigut tamakkunanilu sillimaniarnertigut pikkorilluinnartuummata naliliisikkusullugit, kommunimi pilersaarummut tapiliussassaq nr. 41 sillimaniarnikkut isiginiarluni qanoq innersoq. Matumani aamma naliliiffigitinniarlugu, immikkut akuersissuteqarnissami suut tunngavigineqarsinnaassanersut.



Taamaattumik sillimaniarneq naliliiffiginarlugu ataatsimeeqatigiittoqarpoq, tamatumanilu: Mittarfeqarfiit, Air Greenland, Ineqarnermut, Attaveqarnermut Angallanermullu Naalakkersuisoqarfik, Integra kiisalu Qeqqata Kommunia peqataallutik.

Tamatumanilu isumaqaigiissutaalluni inerniliutaavoq, sanaartornissamik pilersaarutaasut Sisimiut Mittarfiannut silaannakkut angallanikkut sillimaniarnikkut akornutaanaviangitsut.

Suliallu ingerlaqqinnissaani imaattoqassalluni, Qeqqata Kommuniata Ineqarnermut, Attaveqarnermut Angallanermullu Naalakkersuisoqarfik isumaqatigiissuteqarfigissagaa, mittarfinnik piginnittuusup Mittarfeqarfiit Trafikstyrelse-lu attaveqarfigissagai, tamatumanilu immikkut akuersissuteqarsinnaaneq oqallisigissallugu.

Allaffeqarfik naliliivoq, suliami piffissaq sivitsorussinnaammat pingaaruteqartoq, Akiani inissialiornissami allatut iliuuseqarsinnaanissaq, taamaalilluni illoqarfimmi nutaanik sanaartorsinnaanissaq qulakkeerniarlugu.

Inissialiorfissat nutaat

Piffissami qaninnerusumi kommunimi 2012-imiit 2024-mut pilersaarutitut siunnersuutituulli, illoqarfiup eqimattaannerulernissaanik suliaasaq ingerlanneqarsinnaavoq. Tamatumani pineqarlutik:

- Immikkoortortap ilaa 800-A53, Umiivitsiap kujataatungaani ilinniartunut inissialiorfullunilu najugaqarfiliorfissaq. Kommunimi pilersaarummut tapiliussaqaq nr. 46.
- Immikkoortortap ilaa 800-A51, Paaraarsummi.
- Immikkoortortap ilaa 800-A50, Berthelsenip Aqquserngani.
- Immikkoortortap ilaa 800-A52, Nikkorsuarni.

Tamakku saniatigut illoqarfimmi immikkoortut minnerit nassaarineqarsinnaapput, imminnut qanittunik inissialiorfusinnaasut.

Maluginiaqquneqassaaq, sumiiffiit sanaartorfigissarnissaat akisusussaassammat, taamaattumillu tamakkunani imminnut qanittunik pukkitsunik sanaartornerinissaq naatsorsuutigisariaqassalluni.

Innersuussutigineqassaaq, ataatsimoortumik pilersaarusioreernikkut, sanaartorfigissaanissakkut missingersuusiornissamillu atatillugu suliaqareernikkut aatsaat aningaasaliissuteqartoqarnissaa, kiisalu Akini sanaartorfigissaanissamut aningaasaliissutit allatut aqqvigereernerisigut.

Illoqarfiup nutaamik ineriartortinnissaa

Piffissaq alimasinnerumaaq isigalugu qulakkeerniarneqassaaq, Sisimiuni sanaartorfissaqarsinnaanissaa eqqarsaatigalugu innersuussutigineqassaaq, massakkumiit periarfissanik misissuinerit aallartinneqassasut, Qinnunguanilu najugaqarfissanik sanaartorfissaasinnaasut immikkortillugit. Ullumikkut sumiiffik Kommunimi 2012-imiit 2024-mut pilersaarummi siunnersuummut ilaavoq, piffissarli alimasinnerusooq eqqarsaataalluni.

Aningaasaqarnikkut allaffissornikkullu kingunerisinnaasai

Sumiiffinni nunaminertat sanaartorfigissaaffissatut eqqarsaataasut allanngortinnissaata kingunerisavaa, pilersaarusiornissamut sanaartorfigissaanissamullu aningaasaliissutaareersut allanngortinnissaat.

Sumiiffimmi sanaartornissaq immikkut akuersissutaassanngikkaluarpat, taava Qeqqata Kommuniata Nukissiorfiillu sumiiffimmi massakkumut sanaartorfigissaanikkut aningaasaliissutitigut annaasaqangaatsiarnissartik naatsorsuutigisariaqassavaat.



Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Taamaattumik allaffeqarfik naliliivoq, Akiani pilersaarumiamik massakkut annertunerusutigut allangortiterinissaq pissusissamisooranilu aningaasaqarnikkut illersorfissaqassanngitsoq. Minnerunngitsumik pilersaarutaareersumi immikkut akueritinnissamut periarfissaq sutigut tamatigut misilitsinnagu.

Aningaasaqarnermut ataatsimiititaliami suliap asuliarinera

Aningaasaqarnermut ataatsimiititaliap juunip 7-ani 2012-imi ataatsimiinnermini innersuussut akuersissutigivaa.

Innersuussut

Allaffeqarfiup Aningaasaqarnermut ataatsimiititaliamut kommunalbestyrelsimullu paasissutissiissut tusaatissatut tiguneqassasoq, tulluuttullu akuerineqassasut innersuussutigissavaa:

- Akiani 2012-imiit 2024-imut ineriartortitsinissamik pilersaarutitut siunnersuut nutaaq naapertorlugu sanaartortitsinissami immikkut akuerineqarnissamik Mittarfeqarfinnut kiisalu Trafikstyrelse-mut noqqaaneq allaffeqarfiup ingerlatiinnassagaa.
- Kommunimi pilersaarummut tapiliussami nr. 46-mi ilaasut immikkut akuerineqarnissap tungaanut Paraarsummi Berthelsen-illu aqquserngani (kommunimi 2012-imiit 2024-imut pilersaarummi imm. 50 aamma51) sanaartorneqarallassasut, tamakkulu saniatigut Qinnunguani nunaminertat qanoq sanaartorfigineqarsinnaanissaat misissuiffigalugu.

Aalajangiineq

Ilanngussat

1. Kommunimi pilersaarummut tapiliussassaq nr. 41
2. Akiani sanaartornerit naammassinerisigut silaannakkut angallanermut akornutaasinnaasussanik nalilersuineq.



Imm. 08 Kommunimi pilersaarummut tapiliussassaq nr. 46 inaarutaasumik akuersissutigineqarnissaa

Journalnr. 16.03

Tunuliaqutaq

Umiivitsiap kujataatungaani ilinniagalinnut inissiaqarfissanik najugaqarfissianillu sanaartorfissami kommunimi pilersaarummut tapiliussassaq nr. 46, sapaatip akunnerini arfineq-pingasuni marsip 9-aniit maajip 4-nut 2012-imi tamanut saqqummiussaaniikuvoq. Tamanut saqqummiussinerup nalaani oqaaseqaatit marluk tiguneqarput, taakkulu matuma kinguliani taaneqassallutik. Siunnersuut matumuuna inaarutaasumik akuerineqarnissaanut nassiunneqarpoq.

Maleruagassatigut tunngavissaq

Sanaartorfissagissaaneq, pisortat kuuffeqarfinnut aqquersuutaat aamma pisortat aqqusiniutaat pillugit Inatsisartut inatsisaat nr. 17, 17. november 2010-imeersoq.

Pissutsit atuuttut

Kommunimi pilersaarummut tapiliussassaq nr. 46-kkut Umiivitsiami najugaqarfioersut immallu akornanni sukumiisumik pilersaarusiortofiusumi nutaami inissialiortoqarsinnaalissaaq. Sukumiisumik pilersaarusiortofik sanaartorfissanut tallimanut agguataarneqarpoq, taakkunani tamani ilinniagalinnut kangianiit allartittumik inissialiortofissaqartitsilluni, aammalu sanaartorfiusussani 1-imi 2-milu Qiviarfimmud qaninnerusortaani ilaqtariinnut inissialiortofissaqartitsissalluni.

Najugaqarfissaq nutaaq Eqqaavimmut aqqusinikkut aqqusineqarfeqassaaq. Najugaqarfissaq nutaaq pingaarnertut qaqqajunnat qaavisigut, taamatullu aamma saviminernut eqqaaveqarfikup ataatungaani sanaartugaassapput. Najugaqarfissat ataasiakkaarlutik aqqusineqarfissamiit aqqusinnigaassapput. Taanna sinerlugu pisuinnarnut aqqusinniortoqassaaq, Qiviarfimmud aqquserngup avannamut kimmud avissarfianiit aqqusineqqamik/ikuallattoqartillugu aqqutissiorlugu, kiisalu Umiivitsiami sanaartukkanut majuartarfeqarfilerlugu.

Taamatut aqqusineqarfiliinikkut igitakut eqqaaveqarfikup appasinnerusortaaniittut nuisasuerullugit matoorneqassapput.

Naatsorsuutigineqarpoq, sanaartorfissami ilinniagalinnut inissiat 250-it sanaartorfissani 3-mi, 4-mi 5-milu sanaartorneqarumaartut, taakkulu saniatigut sanaartorfissani 1-imi 2-milu ilaqtariinnut najugaqarfissiat 80-t, allatulli aqqiissagaanni ilinniagalinnut inissiat 200-ngortinneqarsinnaassallutik. Sanaartortussat siunnersortillu allatut aqqiisinnaanermut isummersorniarlugit kajumissaarniarlugillu, sanaartorfissani 2-mi, 3-mi 4-milu najugaqarfissatut sanaartorfiusinnaasunik inissiisoqarpoq, tassa qaqqajunnat malillugit sanasoqassappat. Sanaartorfissat taakku atorluarnerisigut inissiat immikkut 90-inik ilaneqarsinnaassagalarput.

Sanaartorfissani 1-imi, 2-mi 3-milu sanaartugassat, quleriit sisamanngorlugit sananeqarsinnaassapput, sanaartorfissanilu 4-mi 5-milu quleriit arfinillit immikkuualuttunik eqimattakkaanik illuliorfiusinnaassallutik. Sanaartorfissamut atatillugu ataatsimoorfiusinnaassussat pingaartinneqarput, sanaartugassallu tamarmik majuartaateqassallutik (elevatorit), taamalu najugaqarfissiat tamarmik innarluutilinnit tkinneqarsinnaasunngorlugit.



Akerliliissutit oqaaseqaatillu.

Tamanut saqqummiussinerup nalaani akeraliissutit marluk tiguneqarput,

1. Ove Labansen-ip innuttaasullu Qiviarfimmiut Kaaliikassaallu aqqusernganeersut ataatsimoor-
tut 14-it, tassa meeqqanik sumiiffiup pinnguarfittut nuannarineqartuunera pillugu akeraliullutik
nalunaarutaat. Tamatumunnga ilanngullugu nalunaarutigineqarluni, sumiiffimmi
sanaartorfigissaanissaq pisariaqanngitsumik akitsorsaataassasoq, taamatullu aamma nutaanik
sanaartornerup kinguneranik illuutilinnut siunissami illuumik tuniniaassagaluarunik
akiluttorfiulersinnaanera pillugit akeraliissutaat.
2. Nunamut namminermt, Pinngortitamut Avatangiisinullu Naalakkersuisoqarfiup pilersaarum-
mut oqaaseqaatissaqarnatik allakkiaat.

Sapinngisamik anguniagaavoq, nutaamik sanaartugassat sapinngisamik isikkivinnik assersuisuun-
nginnissaat, tamatumalu saniatigut nunaminertaq annertunngitsuinnaq pinguarfissaasinnaasussatut
kiserngorutissalluni. Illuatungaatigulli inaarutaasumik akuersinermut atatillugu aalajangiiffigineqar-
sinnaalluni, nunaminertat sanaartorfigissagassaannngitsut sanaartorfiusussaannngitsullu matoorneqas-
sannngitsut.

Innuttaasut tusaaniarlugit pilersaarummi ilanngunneqassaaq, aqqusineqarfissaq akimoortumik
atasuinnaassaangitsoq, aqqusineqarfimmullu aqqutissamut avannamut kitaatungaaniittussamut
Qiviarfimmullu aqquserngup sinneranut ataniligaassalluni. Taamaaliornikkut Qiviarfikkoorluni
angallatilerinissaq pinngitsoorneqarsinnaassammat.

Aningaasaqarnikkut allaffissornikkullu kingunerisinnaasai

Sumiiffimmi sanaartugassat tamarmiullutik sanaartorfigissaanissamut akileeqataanissaat pinngit-
soorneqarsinnaannngilaq, pilersitsinerli naggataatigut kommuni karsianut aningaasartuutaassangilaq,
tassa Qeqqata Kommunia sumiiffimmi nammineerluni najugaqarfissanik sanaartortitsiniannngikkuni
imaluunniit sumiiffimmi tapiiffigisaminik sanaartortitsinannngikkuni.

Aqqusineq najugaqarfik akimoortulugu ingerlasussaq Qeqqata Kommuniata sanaartortissavaa,
aningaasartuutissallu sanaartorfigissaanermi aningaasartuutininik agguaanertuulli sanaartukkat
annertussusiat toqqammavigalugu agguataarneqassalluni. Sanaartorfissani ataasiakkaartumik
sanaartorfigissaanissaq, sanaartortitsisussap akisussaaffigissavaa.

Maluginiaqquneqassaaq, aqqusinissap akimoortussap sanaartornissaata aallartinnissaa, Eqqaavimmut
aqqusinermi illiniagalinnut inissialiassat toqqavissaasa qaartiternerisigut ujaqqat piakkat
immiunneratigut naatsorsuutigineqarmat. Innersuussutigineqassaaq, tamatumunnga atugassatut
2012-imi 100.000 koruunit immikkoortinneqassasut, tassa Akiani C14-ip pilersaarusiornissaanut
aningaasaliissutiniit 532.000 koruuniusuniit nuutsinikkut.

Pilersaarummik inaarutaasumik akuersinissamut ilanngullugu, pingaarnertut aqqusineqarfissamut
aningaasaliissutissatut immikkoortitsisoqartariaqaraluarpoq, tamatumalu kingorna aamma sumiiffiup
sanaartorfissatut piareersarnissaanut, tassa ilinniagalinnut inissiat ilaneqarnissaat periarfissaqa-
leriarpat.

Qullersaqarfiup oqaaseqaataa

Immikkut oqaaseqaatitassaqqanngilaq.



Allaffeqarfiup naliliinera

Allaffeqarfik naliliivoq, sumiiffik tassaalissasoq, kajumernartunik najugaqarfissanik sanaartorfiu-sinnaalersusaaq, ilaqutariit ilinniagallillu najugaqarfissaanit tamaniit immamut isikkivigilluinnartus-sanik.

Peqatigitillugulu naliliisoqarluni, sumiiffik akulikitsunik sanaartorfissiassatut innersuunneqartumi sanaartorfigissaanikkut akiligassaq amanut naammaginartuujumaartoq.

Akiata ineriartortitaanera isiginiaraanni, sumiiffimmi ilaqutariinnut inissialiornissaq pisariaqalersinnaavoq.

Aningaasaqarnermut ataatsimiititaliami suliap asuliarinera

Aningaasaqarnermut ataatsimiititaliap juunip 7-ani 2012-imi ataatsimiinnermini innersuussut akuerssissutigivaa.

Innersuussut

Allaffeqarfiup innersuussutigissavaa:

- Aningaasaqarnermut ataatsimiititaliap Kommunalbestyrelsillu kommunimi pilersaarummut tapiliussassaq nr. 46 inaarutaasumik akuerssissutigissagaa, tassalu Kaaliikassaap aqquuserngata isuata ataani sanaartorfigissaanermut atatillugu sanaartorfissatut immiisoqassanngitsoq ilanngullugu.
- 2012-imi 100.000 koruunit aningaasaliissutissatut akuerineqassasut, tassa Eqqaavimmut aqqusinermit sumiiffimmut sulinermit atatillugu aqqusinniinissamut. Aningaasaliissutissallu pillugit innersuusutigineqarluni Akiani C14-imi sanaartorfigissaanissamut aningaasaliissutinit tiguneqassasut.

Aalajangiineq

Ilanngussat

1. Kommunimi pilersaarummut tapiliussassaq nr. 46.
2. Ove Labansen-imut allanillu akerliliissutit
3. NNPAN-imiit oqaaseqaatit.



Imm. 09 Containerinut inissiivinnut maleruaqqusanik allannguin

Journalnr. 22.01

Tunuliaqutaq

2010-mi TAA-p ataatsimiinnerani 06/10 imm. 5-itut Sisimiuni containerinut inissiivissamik immikkoortitsisoqassasoq innersuussutineqarpoq akuersissutigineqarlunilu, , tamtumani inuit ataasiakkaat/namminersortut containeriutiminnut inissamik attartorsinnaallutik. Tamanna kommunip pilersaariorneqarnerani tapiliussap 18-ip ilassutaatut pivoq, tamatumani illoqarfiup isikkuanut containererpassuit kusanaallisaataanatik aqqissuunneqarnissaat kissaataalluni kiisalu Nuummi containerinut inissiisanermik misilittakkanik pitsaasunik pissarsisoqarnikuulluni.

Nuummi illoqarfiup iluani containerinik inissiinissaq inertequtaavoq containerinullu inissiivini immikkoortitsisoqarnikuulluni, attartornermut akiliisoqartartussaalluni. Containerinut inissiivimminik iluatsitsilluarnikuupput, aammalu innuttaasut attartornermut akiliisussaasaramik, pisariaqartitatik kisiisa uninngatittarpaat, taamaalillunilu sukujussuit pisariaqanngitsumik katersuutsinneqarneq ajorlutik. Containerinut / atortunut / umiatsialivimmut inissaq qaammammut 200 koruuninik akeqarpoq.

Sisimiuni containerinut inissiivissamik eqqarsaataavo/nikuuvoq illoqarfimmi containerit torersarneqarnissaat aammalu containerinut inissiivissamut nuunneqarnissaat, taamaalillutik illoqarfimmi kusanaallisaataanatik. Najugaqarfissiani/katersuuffinni containerit taamaallaat illutut iikkorsorneqarlutik qalialersorneqarlutillu akuersissutigineqartarput, aammalu illuaqqatulli inissinneqassallutik (nutsernermi allanngortiterinermiluunniit utaqqiisaasumik inissinneqarsinnaapput). Nunaminertani inuutissarsiorfiusuni suliffeqarfiup ingerlanneqarneranut tunngatillugu containerit killilimmik inissinneqarsinnaapput. Ungasinnerusoq isigalugu, qulaani tunngavigisanit tulluarsarneqarsinnaanngitsut, containerinut inissatut immikkoortinneqartunut containerit tamarmik nuunneqarnissaat allaffeqarfiup sulissutigivaa. Taanna illoqarfimmi ullumikkut katersuuffigisimasaani, soorlu assersuutigalugu Sanaartornermik ilinniarfiup aammalu Stark eqqaani atuuppoq, kisianni sulisussaaleqisarneq pissutaalluni periuseq arriitsumik ingerlavoq.

Sisimiuni containerinik inissiisarnermut maleruaqqusanut akuerisaasunut tunngatillugu, taamaallaat containerinut 20 fods-inut immikkoortitsisoqarnikuuvoq, piffissallu ingerlanerani 10, 40 fods-inut aammlau qerititsivissuarnut kiisalu aalisarnermi qassutinullu atortussanut il.il. inissanik amigaateqartoqalereerluni. Taamaattumik maleruaqqusat allanngortinneqarnissaat siunnersuutigineqarpoq, aammalu "Kangerluarsunnguami aqqusinermi" nutaap isuani containerinut inissiivik 1 allilerneqarluni, aammalu killililusaqarfimmilu B8-mi "Kangerluarsunnguami aqquserngup" nutaap qeqqata missaani containerinut inissiivissamik allamik pilersitsisoqarluni, kiisalu asfaltiorfiup eqqaani, takuuk nunap assinga, inissitanut containerinullu atorneqanngitsunut inissiivimmik pilersitsisoqarluni.

Taakku saniatigut containerinut inissiivimmut najoqqutassiaq kommunip sinnerani maanna aamma containerinut amerlasuunit artukkerneqalersunut illoqarfimmut siammarneqarnissaa, kissaatigineqarpoq. Kangerlussuarmi ilisimatusartorpassuaqarpoq atortuminnik inissiigallarfissaminnik containerinik atorfissaqartitsisunik, sulilu annertusigaluttuinnartumik ujartuisoqarluni, taamaattumik killiliussa-qarfimmi B2-mi, takuuk nunap assinga, Tankeqarfik H99-ip eqqaani containerinut inissiiviliortoqarnissaa siunnersuutigineqarpoq.

Maniitsumi containerinut inissivissamik pisariaqartitsisoqanngikkallarpoq, alimasinnerusorli isigalugu Ungusivik sanaartorfigissarneqareeripart inuutissarsiorfimmi nutaami immikkoortitsisoqassaaq.



Malittarisassatigut tunngavissaq

Pilersarusiorneq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-meersoq, pingaernerutillugu:

§ 1. Inatsisartut inatsisaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atornerqarnissaat qularnaarneqassasoq.

1992-imiit 2005-imut Sisimiut Kommuneanut kommunimut pilersaarut, pingaernerutillu:

”E5 Immikkoortoq teknikkikkut atortulersuutitut / atortunut nunaminertamik pisiariaqartitsisunut, ujaqperivinnut, eqqaavissuarnut assigisaanullu mingutsitsisinnaasunut immikkoortinneqarpoq..”

Sumiiffimmut pilersaarut B8, pingaernerutillugu:

§ 3.1 Immikkoortoq tamakkerluni inuutissarsiornermut siunertalinnut soorlu værksted-inut, illunut toqqortaasivinnut, biilnut isertitsivinnut, tunisassiornermut atortunut, kiisalu entreprenøreqarfittut, peqqutaasivittut teknikkikkullu atortuusivittut atornerqassaaq.

Kommunip pilersarusiorneqarnerani tapiliussaq 18

Kommunip pilersarusiorneqarnerani tapiliussaq 14, Kangerlussuarmut nunaqarfimmut pilersaarut, pingaernerutillugu;

” B2 – Inuutissarsiorfimmut killiliussatut aalajangersakkat.

Atorneqarnera.

Immikkoortoq inuutissarsiornermut – suliffeqarfimmut mingutsitsinngitsunut – entreprenøreqarfimmut minnerusunut, inissiivissatut kiisalu peqqumaateqarnermut siunertalinnut il.il. immikkoortinneqarpoq Inissiiviit torersuutinneqassapput avatangiisinullu akornutaassanatik. Mittarfeqarfiit aalajangersagaat malitsinneqassapput.”

Pissutsit atuuttut

Qeqqata Kommuniani kommunip containerinut inissiiviutaanut maleruaqqusamik Containerinut 20 fods-inuinaq atuuttumik piusumik peqarpoq. Taassuma allangortinneqarnissaa kissaatigineqarpoq, taamaalilluni containerinut assigiinngitsumik imaqqortussusilinnut inissaqalerniassammat, inissiivinilu ataasiakkaani aalisarnermik qassutinullu atortunut containerit silataanni inissiisinnaanermut periarfissaqalerniassammat. Taamaattumik malittarisassiamik nutaamik nunallu assinganik nutaamik suliaqartoqarnikuuvoq. Nunap assingani containerit inissinneqartut silatimikkut iikkorsorneqarnissanut suut piumasaqaataanersut takuneqarsinnaavoq.

Containerinut inissiiviit atornerqarnerat annertusarniarlugu, qaavisa isikkussaannut piumasaqaat ilanngunneqanngilaq, piumasaqaat taanna malittarisassiami pioreersumi ilaagaluarpoq. Qaliata isikkussaa ilanngunneqanngilaq, innuttaasut nuutsinissamut akilersuinissaat oqinnerulersinniarlugu, alimasinnerusoq isigalugu containerinik torersaaneq naammassippat, taanna piumasaqaatigeqqilerneqarsinnaavoq.

Aningaasaqarnikkut allaffissornikkullu kingunerisinnaasai

Aputaajaanermi ingerlatsinermit aningaasartuutit containerinik attartortitsinikkut aningaasalersorneqassapput, tamatumani kontomik pilersitsisoqassalluni. Sisimiuni inissat 500-sut tamarmik atorneqassappata, inimut ataatsimut aputaajaanermut ukiumut 600 koruunit missaani akeqarnissaa eqqoriarneqarpoq, ukiuni siullerni akisunerulaassajunnarsivoq. Kangerlussuarmi inissat 113 tamarmik atorneqassappata, inimut ataatsimut aputaajaanermut ukiumut 100 koruunit missaani akeqassasoq eqqoriarneqarpoq, ukiuni siullerni akisunerulaassajunnarsivoq. Containerinut inissiivimmu pioreersumut attartornissamut isumaqatigiissutinik suliaqartoqarnikuuvoq, tamatumani inimut ataatsimut ukiumut 1200 koruuneqarnissaa, tassalu qaammammut 100 koruuneqarnissaa aalajangersagaalluni. Ini taamak annertutigisoq Nuummi marloriaammik akeqarpoq.

Sanaartornermik suliani atortussanik sinneruttuniit ingerlaavartumik qaartiternerlukunik immiinikkut Sisimiuni containerinut inissivimmik pilersitsisoqassaaq. Nalimmassaasinnaaneq sumiiffimmilu qullilisinnaaneq ingerlatsinermit kontokkut pissaaq.

Sisimiuni aputaajaaneq konto 27.01 atorlugu ingerlanneqartarpoq, inimillu attartortitsinermit isertitat kontomut tassunga ikineqartassapput. Kangerlussuarmi containeriisvik kontomut 12-01-30-12-99-imut inissinneqassaaq, aputaajaanerlu konto 20-01-30-12-99-imik ingerlanneqartassaaq.

Ukiumut akigititaq ingerlatsinermit aningaasartuutit ingerlatsinermilu konto nikingatillugit aalajangersarneqartassaaq, taamaalilluni containerinut inissiiviit kommunimut aningaasartuutaassanatik.

Allaffeqarfiup naliliinera

Kangerlussuarmi Sisimiuni containerinut inissanik pisariaqartitsineq annertusinikuuvoq. Kangerlussuarmi ilisimatusartut ujartuisuupput, illuatungaani torersuunissamut atatillugu Sisimiuni innuttaasut inuutissarsiuutillillu ujartuisuusut, ilaatigut sanaartornermik ilinniarfiup eqqaani containerinut inissiivik ukiup tulliani peerneqassaaq, atuarfiup inissisimaffik atortussaammagu. Taakku saniatigut Sisimiuni containerinut 20 fods-init anginerusunut, aalisarnermilu qassutinullu inissiivimmik ujartuisoqarpoq, uani siunnersuummi ilanngunneqartunik, aammalu uuliasiornermik suliffeqarfanniit anner-tunerusumik ujartuisoqarnissa naatsorsuutigineqarpoq.

Ataatsimut isigalugu iluamik siunertaqarani inissisarnerit containerillu katersorneqartarnerat uninngatiinnarneqarlutillu nalinginnaalieritorpoq. Nuummi misilittakkat aallaavigalugit allaffeqarfiup nalilerpaa, containerinut inissiivimmik immikkoortitsinikkut attartortitsinermullu akiliuteqartitsinikkut, torersaasarnissamut pilerisaasoqartartasoq, atugassallu kisimik uninngatinneqartalissasut, taamaalilluni inissiinerit amerlavallaalertinnagit. Alimasinnerusoq isigalugu containerit tamarmik containerinut inissiivittut immikkoortinneqartunut nuunneqassapput, taamaalilluni tamanut assigiimmik atugassaqartitsisoqarluni. Aputaajaanermut aningaasartuutit 100 koruunit missaaniittut akilersin-iarneqartassapput, illoqarfiillu akornanni nikingasoqalaarpoq, ataatsimullu isigalugu aaqqiineq kommunimut aningaasartuutaassanngilaq.

Taamaattumik allaffeqarfik naliliivoq, malittarisassat allanngortinneqarnerat akuersissutigineqartariaqartoq, containerinullu inissiivinni pioreersuni soorlu sanaartornermik ilinniarfiup saqqaani inissiivimmi, torersaaneq allaffeqarfiup ingerlatiinnassagaa, taamaalillutik malittarisassiani inissiivissatut immikkoortinneqartunut nuunneqarlutik, attartornermullu isumaqatigiissummi qaammammut 100 koruunimik akiliuteqartarnissaa allanngortinneqassanngitsaq.

Allaffeqarfiup innersuussutaa

Teknikkimut avatangiisinullu immikkoortortaqarfiup Teknikkimut avatangiisinullu ataatsimiititalia-mut innersuussutigissavaa, suliaq aningaasaqarnermut ataatsimiititalia-mut ingerlateqqissagaa inner-suussutigalugu malittarisassat nutaat akuersissutigineqarnissaat.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 8-ni 2012-imi ataatsimiinnermini allaffeqarfiup innersuussutaa akuersissutigivaa, qalipanneqartarnissaanik qaliaqartinneqarnissaanillu piumasaqaat atorunnaarsinneqarnissaanik piumasaqaat atorunnaarsinneqarnissaanik ilallugu.

Teknikkimut avatangiisinullu ataatsimiititaliap innersuussutaa

Teknikkimut avatangiisinullu ataatsimiititaliap suliaq aningaasaqarnermut ataatsimiititaliamut ingerlateqqipaa innersuussutigalugu malittarisassat nutaat, qalipanneqartarnissaanik qaliaqartinneqarnissaanillu piumasaqaat atorunnaarsinneqarnissaanik piumasaqaat atorunnaarsinneqarnissaanik ilallugu akuersissutigineqarnissaat.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 15-ani 2012-imi ataatsimiinnermini Teknikkimut Avatangiisinullu ataatsimiititaliap innersuussutaa akuersissutigivaa.

Innersuussut

Qeqqata Kommuniani containerinut inissiivinnut malittarisassiat nutaat, kommunalbestyrelsimit akuersissutigineqarnissaat innersuussutigineqarpoq.

Aalajangiineq

Ilanngussat

1. Qeqqata Kommuniani containerinut inissiivinnut malittarisassiat.
2. Sisimiuni Kangerluarsunnguami Containerinut inissiiviup 1-ip nunap assitaa
3. Sisimiuni Kangerluarsunnguami Containerinut inissiiviup 2-p nunap assitaa
4. Kangerlussuarmi Tankeqarfik H99-ip eqqaani Containerinut inissiiviup nunap assinga, imm. 1
5. Kangerlussuarmi Tankeqarfik H99-ip eqqaani Containerinut inissiiviup nunap assinga, imm. 2
6. Attartortitsinermut isumaqatigiissut



Imm. 10 2012-imi kommunit pillugit nassuiaat pillugu tusarniaaneq

Journalnr. 06.00

Tunuliaqutaq

Nunamut namminermut, Pinnngortitamut Avatangiisinullu Naalakkersuisoqarfiup kommunit pillugit nassuiaat maajip 25-ni 2012-imi tusarniutitut nassiuppaa, akissuteqarnissarlu juunip 29-anut 2012-imumut killilerlugu, nassuiaat Inatsisartut 2012-ip ukiaanut ataatsimiinissaanni saqqummiunneqas-sammatt.

Pissutsit atuuttut

Nassuaatip pingaarnertut imarivai:

1. Namminersorlutik Oqartussat kommunillu suliassatigut agguartaarnerat
2. 2012-imi Kommunit pillugit isumasioqatigiinneq
3. Kommunit aningaasaqarnerat
4. Missingersuusiornermi suleqatigiinnissamik isumaqatigiissutip nutarternera

Nassuiaatip pingaarnertut imarisaa Aningaasaqarnermut ataatsimiititaliamut Komunalbestyrelsimullu oqaasiinnakkut nassuiaassutigineqassaaq.

Allaffeqarfiup innersuussutaa

Aningaasaqarnermut ataatsimiititaliamut innersuussutigineqassaaq, oqaasiinnakkut nassuiaateqareernikkut kommunalbestyrelsimut nassuiaatip oqallisigineqanissaa innersuussutigineqassasoq.

Aningaasaqarnermut ataatsimiititaliami suliap asuliarinera

Aningaasaqarnermut ataatsimiititaliap juunip 7-ani 2012-imi ataatsimiinnermini innersuussut akuersissutigivaa.

Aammalu kommunalbestyrelsimut isummerfigeqquneqassapput kommunit aningaasartuutaasa isertitaasalu naligiinnginnerujussuat.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa oqaasiinnakkut nassuiaateqareernikkut nassuiaatip oqallisigineqanissaa aammalu kommunit aningaasartuutaasa isertitaasalu naligiinnginnerujussuat isummerfigeqqullugu.

Aalajangiineq

Ilanngussaq

1. Kommunit pillugit nassuiaat 2012.

Imm. 11 Aalajangiiffigisassatut siunnersuut UPA2012/89 – imigassanik kimittuunik kimikitsunillu nioqquteqarnermi piffissaliussat tuniniaaffiusartut sivitsorneqar-nissaat pillugu - tusarniaaneq

Journalnr. 70.06.01

Tunuliaqutaq

Inatsisartut Ilaqutariinnermut Peqqissutsimullu Ataatsimiititaliaata aalajangiiffigisassatut siunnersuut UPA2012/89 imigassanik kimittuunik kimikitsunillu nioqquteqarnermi piffissaliussat tunini-aaffiusartut sivitsorneqarnissaat pillugu tusarniaavoq.

Siunnersuutip imaraa ammasarfiit sivitsorneqarnissaat ataasinngornermiit tallimannngornermut 09.00 – 18.00 kiisalu arfininngornikkut nal. 09.00 – 13.00-miit sap.ak. ulluinut arfineq marlunmut tamanut nal. 09.00 – 21.00-imut.

Maleruagassatigut tungavissat

Imigassanik aalakoornartortalinnik nioqquteqartarneq sassaalliisarnerlu pillugit Inatsisartut inatsi-saanni nr. 11-mi. 11. november 2000-imi ullulerneqartuni, §§ 11 – 12-imi Imigassani kimikitsunik kimittuunillu sassaalliisarnerup ataatsinngornermiit tallimannngornermut piffissami 09.00 – 18.00 kiisalu arfininngornikkut nal. 09.00 – 13.00. Sapaatini, juulliaqqami, ukiutoqqami, Kunngit Pingasut ulluat kiisalu 21. juni, Inuiattut Ullutsinni (ullortunermi) imigassanik kimittuunik nioqquteqarneq inerteqqutaavoq.

Pissutsit atuuttut

Aalajangiiffigisassatut siunnersuut Inatsisartut ukiaru ataatsimiinnerminni eqqartortussaavaat taamaattumilu tusarniaanermut killigitinneqarpoq juulip aallaqqaataa 2012.

Aningaasaqarnikkut allaffissornikkullu kingunerisinnaasai

Suut aningaasaqarnikkut allaffissornikkullu imigassanik kimittuunik nioqquteqarnerup kinguneri-sinnaasai pillugit nalileruminaappoq, pisiniarfiit ataasiakkaat ammasarneri apeqqutassaammata.

Qullersaqarfiup oqaaseqaatai

Oqaaseqaatissaqanngilaq

Allaffeqarfiup naliliinera

Nalinnginnaasumik ilisimassanik tungaviusunik amigaateqartoqarpoq, imigassamik atuinerup/-atornerluinerup/pinerluttarnerup/ajornatorsiutilluunniit allat imigassanik kimittuunik nioqquteqarnerlu imminnut attuumassuteqarnerisut.

Ilaqutariinnermut sullissiviup tungaaninngaaniit isumaq tapersersornartinneqanngilaq ilaqutariip-passuaqarmat, angajoqqaat sapaatip akunnerata naanerani imertartunik meeqqaminnik sumiginnaa-nermik kinguneqartumik. Tamatuma saniatigut nunaqarfinni imigassartornerujussuaq atugaavoq. Ilaqutariinnut sullissivimmi suliniuterpassuit assigiinngitsut tapersersorneqassappata, allaffeqarfik isumaqarpoq suliniutinut siuterpassuarnut imigassanik kimittuunik nioqquteqarnerup sivitsorneqar-nissaanut siunnersuut naapertuutinngitsoq.



Innersuussut

Allaffeqarfimmiik siunnersuutip tapersorneqannginnissaa innersuussutigineqarpoq.

Aalajangiineq

Ilanngussaq

1. Inatsisartut Ilaqutariinnermut Peqqissutsimullu Ataatsimiititaliap allagaa ulloq 23. maj 2012-imeersoq.



Imm 12 Oqaluuserisassatut siunnersuut – Meeqqerivik Aja atorunnaarpat illu sumut atussanersoq

Journalnr. 03.13.00

Tunuliaqutaq

Kommunalbestyrelsimi ilaasortap Karl Lyberthip, meeqqerivik Aja atorunnaarpat illu sumut atussanersoq pillugu kommunalbestyrelsimi oqaluuserisassatut siunnersuut apriliip 11-ani 2012-imi e-mailikkut nassiuppaa.

Karl Lyberthip allakkamini eqqaavaa, nalunngisatsituut Maniitsumi meeqqerivik nutaaq atulerpat meeqqerivik “Aja” atorunnaartussaasoq. Aammalu meeqqerivik Aja atorunnaarpat sumut atornissaa oqallisigineqartalereersoq, ilaasa ersinngitsumik innarluutilinnut ulloq naallugu “atuarfittut” piukkukkaat, allat inuusuttuaqqanut “klub-itut” piukkukkaat, allallu illerfissarsiutileqatigiinnut piukkukkaat, il.il.

Karl Lyberth isumaqarpoq pissusissamisoortoq meeqqerivik Aja atorunnaarpat sumut atorneqassanersoq pillugu kommunalbestyrelsi aalajangiippat, taamaattumillu oqaluuserineqarnissaa kissaati-galugu.

Pissusissamisoorsorivaalu kommunalbestyrelsi aalajangiitinnagu Maniitsormiut isumasiorneqarpata “Aja-p” sumut atorneqarnissaa pillugu. Sumut atorneqarnissaa pillugu Maniitsumi innuttaasut ataatsimiitinneqarsinnaasut, imaluunniit tamanna pisinnaangippat Maniitsup Tusaata Akisuasooq suleqatigalugu arlaleriarluni oqallitsitsisoqarsinnaasoq.

Pissutsit atuutut

22. maj 2012 Maniitsumi kommunimut pilersaarutip tusarniaassutigineqarnerani, Ajap sumut atorsinnaanerit siunnersuutit aallaavigalugit peqatigiiffiit allaffiit, innarluutillinnut najugaqarfissatut imaluunniit fritidshjemmissatut piukkunneqarpoq. Ilaatigullu aamma eqqartorneqarluni meeqqarivittut ataannarnissaa meeqqerivik nutaaq atorneqarleraluarpalluunniit utaqquisut ikilingaar-navianngimmata.

Suliffeqarfinni kommunip ingerlataani naleqquttunik inissaalatsitsineq pillugu misissuisussanik suleqatigiisitamik pilersitsinissaq siunniunneqarpoq.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Ilinniartitaanermut Kulturimut Sunngiffimmullu ataatsimiititaliamut ingerlateqqinneqassasoq.

Aalajangiineq

Ilanngussaq

1. Karl Lyberthip apriliip 11-ani 2012-imi e-mailerutaa.



Imm 13 Oqaluuserisassatut siunnersuut – Timelærerit soraartussat

Journalnr. 03.13.00

Tunuliaqutaq

Kommunalbestyrelsimi ilaasortap Karl Lyberthip, timelærerit suliunnaartussat suliffissaannik allanik ikiorneqarnissaat pillugu kommunalbestyrelsimi oqaluuserisassatut siunnersuut maajip 11-ani 2012-imi e-mailikut nassiuppaa.

Karl Lyberthip allakkamini eqqaavaa, Maniitsumi timelærerit ilaannit paasitinneqarsimalluni Maniitsumi timelærererpaaluullutik sipaarniarneq patsisaalluni juulip aallaqqaataaniit 2012-imi soraarsitaasimallutik.

Karl Lyberthip ilanngullugu eqqaavaa, sipaarniarneq patsisaalluni kommunimi sulisunik soraarsitsisoqaraangat ileqqorineqartoq sapinngisaq malillugu suliffissanik allanik ikiuiniartarneq. Assersuutigalugu meeqqueriviit igaffiini sulisut.

Tamanna pillugu kommunalbestyrelsimut nalilersoquaa periarfissaqannginnersoq timelærerit suliunnaartussat ikiorlugit arlaatigut suliffinnik allanik periarfissarsiuunneqarsinnaannginnersut.

Maleruagassatigut tunngavissat

Naalakkersuisut aamma Ilinniartitsisut Meeqqat Atuarfianneersut Kattuffiat timelærerinut vikarinullu isumaqatigiissut malillugu, § 2, imm. timelærerit atorfinitsinneqartarput atuartitsisussatut tiimini taakkunani ilinniartitsisunik tjenestemand-itut atorfeqarfiusuni imaluunniit isumaqatigiissutit malillugit Kalaallit Nunaanni meeqqat atuarfiini ilinniartitsisunik sulisussaqaanngiffiusuni. Timelærereq suliunnaarsinneqarsinnaavoq pissutissaqarluarpat § 4, imm. 3 malillugu.

Pissutsit atuuttut

Atuarfik Kilaaseeqqap timelærerit nalunaarfigisimavai 30. juni 2012-imiit suliunnaarsinneqassatut, pissutigalugu 1. juli 2012-imiit ilinniartitsisunik naammasserlaanik atorfinitsitsisoqarmat. Suliunnaarsitsinermut tassunga pissutaasoq tassaavoq, ilinniartitsisunik ilinniarsimasunik atorfinitsitsisusaaneq, taamaattumik pisariaqalerluni timelærerit ilinniarsimanngitsut suliunnaarsinnissaat. Isumaqatigiissutini allassimasoqanngilaq kommunip suliunnaarsinneqartut suliffissaannik ujaasisutissagai, taamaattumik kommunip akisussaaffiginngilaa suliffissaannik nassaarunnissai.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisinnaasaanik soqanngilaq.

Qullersaqarfiup oqaaseqaatai

Oaaseqaateqanngilaq.

Allaffeqarfiup naliliinera

Ilinniartitsisunik naammasserlaanik atofinitisisoqartussaammat allaffeqarfimmiit naleqquttutut isigineqarpoq, isumaqatigiissummi qulaani taaneqartumi § 4, imm. 3 malillugu timelærerit suliun-naarsinneqarpara.

Innersuussut

Kommunalbestyrelsimut innersuussutigineqassaaq, suliaq tusaatissatut tiguneqassasoq.

Aalajangiineq

Ilanngussaq

1. Karl Lyberthip maajip 11-ani 2012-imi e-mailerutaa.



Imm. 14 Ilaqutariinnermut immikkoortortamit paasissutissat aamma Aningaaserivinnut paasiniaanermi inatsisitigut maleruagassat pillugit apeqquteqaat

Journalnr. 12.01.00

Tunuliaqutaq

Kommunalbestyrelsimut ilaasortaq Godmand Rasmussenip januaarip 20-ani 2012-imi e-mailikkut apeqquteqaatigai

- 1) Sisimiuni innuttaasut Ilaqutariinnermut Immikkoortortamut saaffiginninnissaanni periusissaat pillugu Sivdleq'-mi qupperneq ataaseq tamaat atorlugu paasissutissiiffiqeqassat pillugu juulip 27-nai 2011-mi Kommunalbestyrelsimut saaffiginnissutini sumut killinnersoq
- 2) Aningaaserivimmi uninngasuutit pillugit sullissup uppernarsaatinik piumasaqarsinnaanera pillugu inatsimmi sumi allassimansoq.

Maleruagassatigut tunngavissat

Kommunimit paasissutissiisarneq qanoq annertutigissanersoq kommunip nammineq aalajangigassaraa.

Pissutsit atuuttut

Apeqquteqaammut 1)-imut

Sisimiuni Ilaqutariinnermut Immikkoortortap paasissutissaq tullinnguuttoq, 2011-mi sapaatip akunnera 45-mi, imaappoq 2011-mi pingasunngornermi septembarip 9-ani paasissutissiissutigaa. Paasissutissiissut tamakkerlugu issuarneqassaaq:

”Sisimiuni Ilaqutariinnermut immikkoortortamit paasissutissat Sisimiuni Ilaqutariinnermut immikkoortortami suliasoqarniarnikkut peqquteqartumik, ajornartorsiuteqaviulluni nammineq ornigulluni saaffiginnissutit tiguneqarsinnaapput.

Utaqqisinnaangitsumik nammineq ornigulluni saaffiginninnermi

Kommunip ammasarfuisa nalaanni ataasinngornikkut, marlunngornikkut, sisamannngornikkut tallimannngornikkullu nal. 10-miit 13.30-imut saaffiginnissinnaavutit, tulliuttut nalaasimagukkit:

- *Meeqqatit sumiginnagaasimappata*
- *Peruluttoqartillugu toqukkulluunniit qimaguttoqartillugu*
- *Ikuallattoqarsimappat*
- *Aningaasaqarnikkut tassangaannartumik pisariaqartitsinikkut*

Ilaqutariinnermut immikkoortortamut oqarasuaatikkut saaffiginninneq

Ilaqutariinnermut immikkoortortamut oqarasuaatikkut 86 74 22-ikkut saaffiginnissinnaavutit, ataasinngornikkut marlunngornikkut tallimannngornikkullu nal. 10-miit 11-ip tungaanut, inuttut atukkatigut matuma siuliani taasat sanaitigut nalaataqarsimaguit.



Sullissisunnut oqarasuaatikkut saaffiginninnerit

Ataasinngornikkut, marlungornikkut tallimannngornikkullu nal. 15-ip 16-illu akornanni toqqaan-nartumik sullissisunnut saaffiginnissinnaavutit, tassa arlaatigut apeqqutissaqaruit imaluunniit siunnersortikkusukkuit ilitersuutsikkusukkuilluunniit. Ilaqutariinnermut immikkoortortami siuller-meertumik saaffiginnikkuit sullissisuit oqarasuaatikkut normuni toqqaannartog tunniutissavaa.

Sulisoqarniarnikkut pissutsit aaqqinniariarpata, tamanna nalunaarutigineqarumaarpoq.

Ikinngutinnersumik inuulluaqqusilluta Sisimiuni Ilaqutariinnermut immikkoortorta”

Apeqquteqaammut 2)-mut

Aningaaserivimmi uninngasuutit pillugit apeqqutigineqartumut tunngatillugu inatsisitigut malerua-gassat pillugit tullinnguuttut paasissutissiissutigineqassapput:

Pisortanit ikiorsiissutit pillugit Inatsisartut peqqussutaat nr. 15, 2006-imi novembarip 20-aneersoq naapertorlugu qinnuteqartup aningaasaqarnera naapertorlugu naatsorsuisoqartussaavoq.

Isertitat aningaasartuutillu saniatigut qinnuteqartup pigisai nalillit aamma misissuiffigineqartus-saapput.

Peqqussummi nr. 15-imi § 19 naapertorlugu qinnuteqartoq aappaalu aningaasatigut pisariaqartitaan-nik matussusinnaasunik nalilinnik pigisaqarpata, qinnuteqartoq aappaasorluunniit pisortanit ikior-siiffigineqarsinnaanngillat.

Peqqussummi nr. 15-imi § 25 naapertorlugu paasissutissanik pisariaqartinneqartunik pissarsinissamut qinnuteqartoq peqataasussaavoq.

Ikiorsiissutissat eqqortumik naatsorsorneqarnissaannut pissutsit tamakkerlugit paasissutissat, matumani aningaaserivimmi kontop nikerarnera pillugit uppernarsaat ilanngullugu tunniunneqartus-saatitaapput. Taamaalilluni pigisat, kingullermillu akissarsiat kiisalu kontomut ikineqarsimasinnaasut allat nalilersorneqarsinnaassapput.

Kontop nikerarnera pillugu uppernarsaammut aningaaseriviup akiliisitsisarnera ajuusaarnarpoq, qinnuteqartorli aningaasaqartinnagu, pisortaniillu ikiorserneqartillugu, kontop nikerarnera pillugu uppernarsaammut aningaasartuutit kommunip matussuser tarpai.

Allaffeqarfiup naliliinera

Sisimiuni Ilaqutariinnermut ataatsimiititaliap nalilerpaa, isumaginninnikkut kiffartuussineq pillugu paasissutissiisarneq annertusarneqaruni iluaqutaassasoq. Ilaqutariinnermut Immikkoortorta q kiisalu ilaqutariinnut Kiffartuussiviup kiffartuussisarnerisa ersarinnerusumik paasissutissiissutigineqartar-nissaat anguniagaavoq. Ilaqutariinnermut pisortap paasissutissiinnermut suleqataasoq peqatigalugu taakku 2012-ip upernaani suliarissavaat.

Allaffeqarfiup innersuussutaa

Immikkoortortap innersuussutigaa, Ilaqutariinnermut ataatsimiititaliap akissuteqaat Kommunal-bestyrelsimut innersuussutigissagaa.



Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap februaarip 8-ni 2012-imi ataatsimiinnermini innersuussut tusaatissatut tiguaa.

Kommunalbestyrelsip ataatsimiinnerini tulliuttuni, suliaq kinguartinneqarpoq februaarip 28-ani 2012-imi
apriilip 26-ani 2012-imi

Innersuussut

Innersuussutigineqassaaq Ilaqutariinnermut ataatsimiititaliap akissuteqaataa kommunalbestyrelsimi tusaatissatut tiguneqassasoq.

Aalajangiineq

Ilanngussaq

1. Godmand Rasmussenip e-mailerutaa januaarip 20-ani 2012-imeersoq.



Imm. 15 Maniitsup Kommunianut kommunip pilersaarusionerqarnerani tapiliusseq nr. 7 pillugu paasissutissiisut

Journalnr.

Tunuliaqutaq

Sumiiffimmi entreprenørimit saaffiginnittoqarnerata kingorna inuutissarsionermut, ujaqquvimmu qaartiterutissaasivimmullu immikkoortumut Maniitsup Kommunianut kommunip pilersaarusionerqarnerani tapiliusseq nr. 7-tut siunnersuummik allaffeqarfik suliaqarnikuvoq. (siusinnerusukkut nr. 3-mik taaneqartoq)

Maniitsumi aluminiumik aatsiterivissamik pilersitsisoqarnissaanut aalajangiinissatut naatsorsuutigineqartumut piareersaatitut pilersaarusionissaq eqqarsaatigalugu kissaatitut nalinginnaasutut pilersaarutit siunnersuut isigineqassaaq. Taamaalilluni ujaqquvimmu pioreersaq atorunnaarnissaa naatsorsuutigineqarpoq, inissianillu annertusaanissamut naatsorsuutigineqartumut atatillugu atorneqassalluni. Ilutigitillugu annertusaanissamut aggersumut atatillugu, illoqarfimmi pioreersumi annertusaanermik suliaqartussanut, sanaartornermut inuutissarsiutilinnut nunaminertanik nutaanik pisariaqartitsisoqassaaq

Maleruagassatigut tungavissaq

Pilersaarusionerqamma nunaminertanik atuisarneq pillugu Inatsisartut inatsisaat nr. 17, 17. november 2010-meersoq.

Pissutsit atuuttut

Pilersaarutit siunnersuut tamakkiisoq immikkoortunik annikinnerusunik aammalu immikkoortunik annerusunik tungaviatigut imminnut atasunik pingasunik imaqarpoq. Immikkoortut minnerusut ilusilersuineramik tulluurtumik pilersitsisinnaanermut ajornakusoorfusuni qooqquni saatsuni inissimapput. Immikkoortut minnerusut tassaapput immikkoortoq inuutissarsiorfiusoq, ujaqquvimmu ujaqqanillu aserorterinermut immikkoortoq, betoniliorfik assigisaalu, kiisalu qaartiterutissaasiup nuunnissaanut nunaminertaq.

Kujataanit, inuutissarsiorfiusoq taseramik annikitsumik immikkoortup inuutissarsiorfinngortinneqarneranut immeriartuaarneqartussatut naatsorsuutigineqartumik ilaqarpoq. Immikkoortumi ullumikkut qaartiterutissaasivik inissimavoq, immikkoortut allanut atorneqalerneranut atatillugu nuunneqartussatut naatsorsuutigineqartoq.

Inuutissarsiorfiup avannaatungaani ujaqquvimmu ujaqqariveqarfik inissimavoq taassumalu kangiatungaaniilluni qaartiterutissaasivik nutaaq.

Immikkoortut ima ilusilersugaapput, ujakkaarnermi illerngit suli immikkoortoq aqutigalugu ingerlasinnaallutik aammalu sisorartarfimmut attaviit pigiinnarneqassapput.

Aningaasaqarnikkut allaffissornikkullu kingunerisinnaasai

Aqqusineramik attaveqaammik pilersitsinissaq, ujaqquvimmik qaartiterutissaasivimmillu nutaamik naammassinninnissaq aningaasaliisunit namminersortunit pinissaa naatsorsuutigineqanngimmat, pilersaarutitik naammassinninnissaq kommunimut aningaasartuutitik attuumassuteqassanngikkallarpoq.



Inuutissarsiuuteqarfik atuutilernissaanut sanaartorfigissaasoqalerpat, pilersaarutit aatsaat kommunimut aningaasatigut kinguneqassapput.

Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Allaffeqarfiup naliliinerivaa, pilersaarutitut siunnersuutit pisariaqartut, siunissami Maniitsumi ineriartortitsilluni periarfissanut tunngavissat qulakkeerniarlugit.

Allaffeqarfiup innersuussuttaa

Allaffeqarfiup Aningaasaqarnermut ataatsimiititaliamut innersuussutigaa, Maniitsup Kommunianut kommunip pilersaarusionsorneqarnerani tapiliussaq nr. 7 sapaatit akunnerani arfineq-pingasuni saqqumitinneqarnissaa akuersissutigineqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 15-ani 2012-imi ataatsimiinnermini allaffeqarfiup innersuussutaa akuersissutigivaa.

Borgmesterip suliamik suliarinninera

Maniitsup Kommunianut kommunip pilersaarusionsorneqarnerani tapiliussaq nr. 7 sapaatit akunnerani arfineq-pingasuni saqqumitinneqarnissaa akuersissutigineqassasoq, kommunalbestyrelsi sinnerlugu maajip 15-ani 2012-imi borgmesteri aalajangiivoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. Maniitsup Kommunianut kommunip pilersaarusionsorneqarnerani tapiliussatut nr. 7-tut siunnersuut.



Imm. 16 NIIP - nunap immikkoortuisa ineriartortinnissaannut periusissanut atatillugu 2012-imi pilersaarutit pillugit paasissutissiisut

Journalnr.

Tunuliaqutaq

2011-mi nunap immikkoortuisa ineriartortinnissaannut periusissani NIIP salliutitatut iliuuseriniakkat akuerineqarput. 2012-ip aallartisimalernerani allattukkat nutarterneqarput, Namminersorlutik Oqartussaniillu aningaasaliissuteqarnissamik Aningaasanut 2012-imut inatsisikkut qinnuteqarsinnaaneq periarfissinneqarluni.

Namminersorlutik Oqartussat NIIP-mik kommunini salliutitatut iliuusissat tapiissutissat aamma nutarterneqarlutik, taamaalilluni iliuuseriniakkamut kommunimut ataatsimut 500.000 koruuniusut massakut kommunimut ataatsimut 1 mio. koruuninngorluni, tassa kommuni assinganik aningaasaliissuteqarniarpat. Tamatuma kinguneranik salliutitatut iliuuseriniakkat aningaasaliissutitaalu nutartertariaqalerlutik, taamaattumillu suliaq una nutaamik suliasatut nassiunneqarpoq.

Maleruagassatigut tunngavissaq

NIIP-mik 2011-mi nalunaarussiaq aningaasanullu 2012-imut inatsit.

Pissutsit atuuttut

NIIP-mik pilersaarutit Namminersorlutik Oqartussat Inuutissarsiutitigut naalakkersuisoqarfia oqaloqatgalugu suliaavoq, pilersaarutillu piviusunngortinnissaanni ataqatigiissaarnera immi Qeqqata Kommuniani inuutissarsiutitigut ineriartortitsinissami tapertaalluartaassaalluni.

2 mio. koruunit Namminersorlutik Oqartussat Kommunillu akornanni naligiimmik agguataagaasut, pilersaarutitut tulluuttunut agguataarnissaat siunnersuutigineqassaaq:

- Maniitsumi naatitsivik – 200.000 koruunit.
- Qeqqata Kommuniani nunarsuarmut UNESCO aqutigalugu kingornussassanngortitassaq – 100.000 koruunit.
- Sisimiuni imeqarfimmut appakaaffigeqqusaanngitsoq – 150.000 koruunit.
- Sisimiuni Nutaaliornikkut teknikkikkullu misigisaqarfissamut – 400.000 koruunit.
- Kangerlussuarmi nassiussanik ilitsivik – 350.000 koruunit.
- Kangerlussuarmi umiarsualivik nutaaq – 800.000 koruunit.

Siusinnerusukkat suliamut nassiussamut sanilliullugu, Maniitsumi naatitsiviliorsinnaanermi periarfissanik misissuinissaq aningaasaliissuteqarfiusussatut, taamatuttaarlu Sisimiuni imeqarfiup allanngortinneqarsinnaaneranik misissuinissamut aningaasaliissuteqarnissaq ilanngunneqarneqarput.

NIIP-mik pilersaarutit sinneri, suli naammassineqanngitsut, aamma 2012-imi aallartinneqassapput. Aatsaalli Namminersorlutik Oqartussaniit Kommunimiillu taakkununga 2013-mi aningaasaliissuteqarnissaq naatsorsuutigineqarpoq. Allatulli aaqqiinikkut aallarnisaanerit kontoniit piusuniit aningaasaliiffiqarsinnaassapput.

Aningaasaqarnikkut allaffissornikkullu kingunerisinnaasai

Namminersorlutik Oqartussat Aningaasanut 2012-imut inatsimmi 1 mio. koruuninik kommunini tamani salliutitatut iliuuseriniakkanut aningaasaliissuteqarput. Allassimaffimmi pilersaarutit i mio. koruuninik nalillit takuneqarsinnaapput.

Allassimaffimmi pilersaarutit ataasiakkaani aningaasartuutissartai missiliuutitut allataapput, taakkulu Namminersorlutik Oqartussanit 50 procentinik kiisalu Qeqqata Kommunianit aamma 50 procentinik aningaasaliiffiunissaat naatsorsuutigineqarluni.

Pilersaarutitigut kommunip aningaasartuutissai ilaatigut konto 11-miit siunnersorteqarnermi aningaasartuutit, ilaatigullu konto 37 – inuutissarsiutitigut ineriartortitsinermit tiguneqassapput.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, pilersaarutit allassimasut Qeqqata Kommuniani inuutissarsiutitigut atugas-saritadaasunik killiliussatigut annertuumik iluaqutaasussaassasut, ilaat piffissami qanittumi, ilaallu piffissami alimasinnerusumi.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 7-nai 2012-imi ataatsimiinnermini akuersissutigivai

- NIIP-mik pilersaarutinut aningaasaliissutit agguataarnissaannik siunnersuut.
- Konto 11-miit konto 37-imiillu aningaasaliissuteqarnissamik siunnersuut.

Innersuussut

Suliaq kommunalbestyrelsimut paasisstissatut saqqummiunneqarpoq.

Aalajangiineq

Ilanngussaq

Ilanngussaqanngilaq

Imm. 17 Tamalaat

